

ÁKVÖRÐUN FRAMKVÆMDASTJÓRNARINNAR

2012/EES/59/15

frá 4. maí 2011

um að koma á fót evrópskum ráðgjafahópi um skynvædd flutningakerfi (*)

(2011/C 135/03)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2010/40/ESB frá 7. júlí 2010 um ramma um útbreiðslu skynvæddra flutningakerfa á sviði flutninga á vegum og um tenginga þeirra við aðra flutningsmáta ⁽¹⁾, einkum 16. gr.,

og að teknu tilliti til eftirfarandi:

- 1) Í 16. gr. tilskipunar 2010/40/ESB er þess krafist að framkvæmdastjórnin komi á fót evrópskum ráðgjafahópi um skynvædd flutningakerfi til ráðgjafar um viðskiptalega og tæknilega þætti útbreiðslu og notkunar skynvæddra flutningakerfa í Sambandinu.
- 2) Því er nauðsynlegt að koma á fót sérfræðingahópi á sviði skynvæddra flutningakerfa og skilgreina verkefni og skipan hans.
- 3) Hinn evrópski ráðgjafahópur um skynvædd flutningakerfi skal veita framkvæmdastjórninni ráð um viðskiptalega og tæknilega þætti útbreiðslu og notkunar skynvæddra flutningakerfa í Sambandinu.
- 4) Hinn evrópski ráðgjafahópur um skynvædd flutningakerfi skal skipaður hátt settum fulltrúum viðkomandi veitenda skynvæddrar flutningakerfisþjónustu, samtaka notenda, rekstraraðilum flutningaþjónustu og aðstöðu, framleiðsluiðnaði, aðilum vinnumarkaðarins, fagfélögum, staðaryfirvöldum og af öðrum viðeigandi vettvangi.
- 5) Mæla skal fyrir um reglur um hvernig aðilar evrópska ráðgjafahópsins um skynvædd flutningakerfi veita upplýsingar.
- 6) Vinnsla persónuupplýsinga skal vera í samræmi við reglugerð Evrópuþingsins og ráðsins (EB) nr. 45/2001 frá 18. desember 2001 um vernd einstaklinga í tengslum við vinnslu persónuupplýsinga, sem stofnanir og aðilar Bandalagsins hafa unnið, og um frjálsa miðlun slíkra upplýsinga ⁽²⁾.
- 7) Rétt þykir að setja tímamörk vegna beitingar þessarar ákvörðunar. Framkvæmdastjórnin mun innan hæfilegs tíma taka réttmæti framlengingar til athugunar.

ÁKVEDIÐ EFTIRFARANDI:

1. gr.

Efni

Sérfræðingahópurinn um skynvædd flutningakerfi, hér á eftir nefndur „evrópski ráðgjafahópurinn um skynvædd flutningakerfi“, er hér með komið á fót.

2. gr.

Verkefni

Verkefni evrópska ráðgjafahópsins um skynvædd flutningakerfi skal vera:

- a) að aðstoða framkvæmdastjórnina við undirbúning forskrifta, sem samþykkja á sem afleiddar gerðir samkvæmt tilskipuninni um skynvædd flutningakerfi, einkum með því að gefa álit um tæknilega og viðskiptalega þætti þeim tengd,
- b) að fylgjast með stefnumótun á sviði skynvæddra flutningakerfa og veita framkvæmdastjórninni ráðgjöf og leiðbeiningar um öll önnur málefni (sem tengjast forskriftunum óbeint) sem tengjast útbreiðslu og notkun skynvæddra flutningakerfa í Sambandinu,
- c) að stuðla að miðlun á reynslu og góðum starfsvenjum í tengslum við útbreiðslu og rekstur skynvæddra flutningakerfa.

3. gr.

Samráð

Framkvæmdastjórnin getur haft samráð við evrópska ráðgjafahópinn um skynvædd flutningakerfi um hvaða mál sem er sem tengist útbreiðslu og notkun skynvæddra flutningakerfa í Sambandinu samhliða því að hvetja aðila til að stinga upp á fleiri málum sem taka á til umræðu.

4. gr.

Aðild — tilnefning

1. Í evrópska ráðgjafahópnum um skynvædd flutningakerfi skulu vera 25 aðilar.
 2. Aðilar skulu vera:
 - einstaklingar sem eru skipaðir fulltrúar hagsmunaaðila með sameiginleg hagsmunamál í sérstökum málaflokkum og eru ekki fulltrúar einstaks hagsmunaaðila,
- eða
- stofnanir, í víðasta skilningi orðsins, þ.m.t. fyrirtæki, samtök, frjáls félagasamtök, stéttarfélög, háskólar, rannsóknarstofnanir, stofnanir Sambandsins, aðila Sambandsins og alþjóðastofnanir.

(*) Þessi EB-gerð birtist í Stjtið. ESB L 135, 5.5.2011, bls. 3. Hennar var getið í ákvörðun sameiginlegu EES-nefndarinnar nr. 140/2011 frá 2. desember 2011 um breytingu á XIII. viðauka (Flutningastarfsemi) við EES-samninginn, sjá EES-viðbætur við Stjórnartíðindi Evrópusambandsins nr. 15, 15.3.2012, bls. 29.

⁽¹⁾ Stjtið. ESB L 207, 6.8.2010, bls. 1.

⁽²⁾ Stjtið. EB L 8, 12.1.2001, bls. 1.

3. Aðilar skulu tilnefndir af framkvæmdastjóra stjórnarsviðs hreyfanleika og flutningamála úr röðum sérfræðinga eða stofnana, sem eru fulltrúar hagsmunaaðila sem taldir eru upp í 16. gr. tilskipunar 2010/40/ESB, sem hafa hæfni á þeim sviðum sem um getur í 2. og 3. gr. og hafa svarað auglýsingum um umsóknir.

4. Aðilar skulu skipaðir til þriggja ára. Þeir skulu gegna starfi sínu þar til skipunartíma þeirra lýkur. Heimilt er að endurnýja skipunartíma þeirra.

5. Framkvæmdastjórnin, eða þjónustudeildir hennar, skal taka saman varalista yfir hæfa umsækjendur sem hægt er að nota til að skipa hæfa staðgengla. Framkvæmdastjórnin, eða þjónustudeildir hennar, skal biðja um samþykki umsækjenda áður en nöfn þeirra eru sett á listann.

6. Heimilt er að velja staðgengla til loka skipunartímans fyrir þá aðila sem ekki eru lengur færir um að taka virkan þátt í umræðum evrópska ráðgjafahópsins um skynvædd flutningakerfi, sem segja af sér störfum eða fara ekki að skilyrðum sem sett eru fram í 3. mgr. þessarar greinar, eða 339. gr. sáttmáls um starfshætti Evrópusambandsins.

7. Nöfn aðila skulu birt í skránni yfir sérfræðingahópa framkvæmdastjórnarinnar og aðrar svipaðar einingar („skráin“) ⁽¹⁾.

8. Söfnun, vinnsla og birting á persónuupplýsingum fer fram í samræmi við reglugerð (EB) nr. 45/2001.

5. gr.

Starfsemi

1. Fulltrúi framkvæmdastjórnarinnar fer með formennsku í evrópska ráðgjafahópnum um skynvædd flutningakerfi.

2. Í samráði við skrifstofu framkvæmdastjórnarinnar getur evrópski ráðgjafahópurinn um skynvædd flutningakerfi komið á undirhópum til að skoða sérstök álitæfni í samræmi við þær starfsskyldur sem ráðgjafahópurinn skilgreinir. Slíkir undirhópar skulu leystir upp um leið og þeir ljúka þeim verkefnum sem umboð þeirra tekur til.

3. Í sérstökum tilvikum getur fulltrúi framkvæmdastjórnarinnar boðið utanaðkomandi sérfræðingum með sérþekkingu á því máli sem er á dagskrá til að taka þátt í starfi evrópska ráðgjafahópsins um skynvædd flutningakerfi eða undirhópsins. Þar að auki getur fulltrúi framkvæmdastjórnarinnar veitt einstaklingum eða stofnunum stöðu áheyrnarfulltrúa.

4. Aðilar í sérfræðingahópum, og fulltrúar þeirra, sem og sérfræðingar og áheyrnarfulltrúar sem hefur verið boðin

þátttaka, skulu virða þagnarskyldu sem mælt er fyrir um í sáttmálunum og framkvæmdarreglum þeirra, sem og reglur framkvæmdastjórnarinnar um öryggi hvað varðar verndun trúnaðarupplýsinga ESB, sem mælt er fyrir um í viðaukanum við ákvörðun framkvæmdastjórnarinnar 2001/844/EB, KSE, KBE ⁽²⁾. Virði þeir ekki þessar skuldbindingar getur framkvæmdastjórnin gripið til allra viðeigandi ráðstafana.

5. Fundir sérfræðingahópa og undirhópa skulu haldnir í húsnæði framkvæmdastjórnarinnar. Framkvæmdastjórnin skal sjá fyrir skrifstofuþjónustu. Aðrir embættismenn framkvæmdastjórnarinnar, sem hafa áhuga á málsmeðferðinni, geta setið fundi evrópska ráðgjafahópsins um skynvædd flutningakerfi og undirhópa hans.

6. Evrópski ráðgjafahópurinn um skynvædd flutningakerfi setur sér starfsreglur á grundvelli staðlaðra starfsreglna sem gilda fyrir sérfræðingahópa.

7. Framkvæmdastjórnin birtir viðeigandi upplýsingar um starfsemi evrópska ráðgjafahópsins um skynvædd flutningakerfi annaðhvort í skránni eða í gegnum hlekk sem er í skránni inn á sérstakt vefsetur.

6. gr.

Kostnaður vegna fundarhalda

1. Aðilar sem taka þátt í starfsemi evrópska ráðgjafahópsins um skynvædd flutningakerfi skulu ekki þiggja laun fyrir þau störf sem þeir leysa af hendi.

2. Ferða- og dvalarkostnað vegna útgjalda aðila sem taka þátt í starfsemi evrópska ráðgjafahópsins um skynvædd flutningakerfi, skal framkvæmdastjórnin endurgreiða í samræmi við gildandi ákvæði framkvæmdastjórnarinnar.

3. Þessi kostnaður skal endurgreiddur innan marka tiltækra fjárveitinga, sem úthlutaðar eru samkvæmt árlegri málsmeðferð við úthlutun fjármagns.

7. gr.

Gildissvið

Ákvörðun þessi gildir til 27. ágúst 2017.

Gjört í Brussel 4. maí 2011.

Fyrir hönd framkvæmdastjórnarinnar,

José Manuel Barroso

forseti.

⁽¹⁾ Aðilar sem óska þess ekki að nöfn þeirra séu birt geta sótt um undanþágu frá þessari reglu. Beiðnin um að birta ekki nafn aðila í sérfræðingahópi skal vera talin réttmæt þegar birting getur talist stofna öryggi eða ráðvendi hans/hennar í hættu eða hafi veruleg áhrif á friðhelgi einkalífs hans/hennar.

⁽²⁾ Ákvörðun ráðsins 2001/844/EB, KSE, KBE frá 29. nóvember 2001 um breytingu á innri starfsreglum (Stjtið. EB L 317, 3.12.2001, bls. 1).